

Шошқалоқлик оқибати



13:51 / 24.07.2025 1598

Кунларнинг бирида ўн ёшли бола қаҳвахонага кирди ва стол атрофига ўтирди. Хизматчи аёл идишда сув келтириб, боланинг столи устига қўйди. Бола: «Какаоли музқаймоқ неча пул?», деб сўради.

Хизматчи аёл: «Беш доллар», деди.

Болакай ҳаменидан қўлини чиқариб, пулни санай бошлади ва хизматчи аёлдан: «Яхши, какаосиз музқаймоқ неча пул?», деб сўради.

Бу орда харидорлар ўтириш учун стол бўшагини кутиб туришган эди. Хизматчи аёлнинг сабри тугай бошлади, қўполлик билан: «Тўрт доллар», деб болага жавоб берди.

Бола пулини санаб: «Оддий музқаймоқ оламан», деди.

Ходима унга сўраганини олиб келди, ҳисоб чекини стол устига қўйиб кетди. Болакай музқаймоқни еб бўлиб, пулини тўлаб, қаҳвахонани тарк этди. Ходима қайтиб келиб, стол устини артаётганда, кўзи ёшга тўлди. Чунки идиш четида бир доллар турганини кўрди. Қаранг, болакай хизматчи аёлга чойчақа бериш учун бир доллар ортсин деб, ўзини какаоли музқаймоқ ейишдан маҳрум қилган экан.

Бу ҳикояда хизматчи аёлнинг болага нисбатан сабри тугаб бориши, шошқалоқлик билан бола ҳақида нотўғри гумонга боришини, болакайнинг арзон музқаймоқ танлаши ўша хизматчи аёл туфайли экани маълум бўлди. Шошилмасликда саломатлик бор бўлса, шошқалоқликда надомат бор.

«Вазиятларни бошқариш санъати» китобидан.

Нозимжон Ҳошимжон таржимаси.

Ушбу мақола Ўзбекистон Республикаси Дин ишлари бўйича қўмитасининг 2025 йил 17 мартдаги 03-07/1750-сонли рухсати асосида тақдим қилинди.